



MALAYSIA

**Warta Kerajaan  
SERI PADUKA BAGINDA  
DITERBITKAN DENGAN KUASA**

**HIS MAJESTY'S GOVERNMENT GAZETTE  
PUBLISHED BY AUTHORITY**

Jil. 29  
No. 26

26hb Disember 1985

TAMBAHAN No. 77  
PERUNDANGAN (A)

**P.U. (A) 559.**

**AKTA UNIVERSITI DAN KOLEJ UNIVERSITI 1971**

**PERLEMBAGAAN UNIVERSITI PERTANIAN MALAYSIA**

**STATUT UNIVERSITI PERTANIAN MALAYSIA  
(INSTITUT PERUNDINGAN) 1985**

PADA menjalankan kuasa-kuasa yang diberi oleh seksyen 26 Perlembagaan Universiti Pertanian Malaysia, Canselor Universiti Pertanian Malaysia, menurut peruntukan-peruntukan seksyen tersebut, membuat statut yang berikut:

P.U. (A)  
409/76.

1. Statut ini bolehlah dinamakan **Statut Universiti Pertanian Malaysia (Institut Perundingan) 1985** dan hendaklah disifatkan telah mula berkuatkuasa pada 1hb November 1984.

Nama dan  
mula ber-  
kuatkuasa.

2. (1) Dalam Statut ini, melainkan jika konteksnya menghendaki makna yang lain—

“anggota yang dilantik” ertinya seorang anggota Lembaga yang dilantik di bawah perenggan 7 (1) (d);

“Dekan Fakulti” termasuklah ketua-ketua Yayasan atau Pusat yang bukan sebahagian daripada mana-mana Fakulti;

“Institut” ertinya Institut Perundingan yang ditubuhkan di bawah perenggan 3;

“Lembaga” ertinya Lembaga Institut Perundingan yang ditubuhkan di bawah perenggan 6;

“Majlis” ertinya Majlis Universiti yang ditubuhkan menurut seksyen 15 Perlembagaan;

“Pengarah” ertinya Pengarah Institut Perundingan yang dilantik menurut subperenggan (1) perenggan 5;

“Perlembagaan” ertinya Perlembagaan Universiti Pertanian Malaysia;

"Senat" erti Senat Universiti yang ditubuhkan menurut seksyen 17 Perlembagaan;

"Universiti" erti Universiti Pertanian Malaysia.

(2) Sebutan-sebutan dalam Statut ini mengenai sesuatu seksyen dalam Perlembagaan adalah sebutan-sebutan mengenai seksyen yang berkenaan dalam Perlembagaan Universiti Pertanian Malaysia.

P.U. (A)  
409/76.

Penubuhan  
Institut.

Matlamat  
Institut.

Pengarah  
Institut  
dan tugas-  
tugasnya.

Penubuhan  
Lembaga.

Keanggotaan  
Lembaga.

3. Maka adalah ditubuhkan di Universiti Pertanian Malaysia suatu Institut Perundingan yang hendaklah menjadi suatu Yayasan Universiti itu mengikut peruntukan seksyen 18 Perlembagaan.

4. Matlamat-matlamat Institut adalah untuk menggalakkan dan menyelaraskan aktiviti-aktiviti perundingan di Universiti Pertanian Malaysia.

5. (1) Maka hendaklah ada seorang Ketua bagi Institut itu, yang dipanggil Pengarah, yang dilantik oleh Naib Canselor dari kalangan kakitangan Universiti menurut seksyen 18 (4) Perlembagaan.

(2) Pengarah hendaklah menjadi anggota *ex-officio* Senat.

(3) Tugas-tugas Pengarah adalah—

(a) untuk mentafsirkan dan melaksanakan polisi-polisi Majlis, Senat dan Lembaga berhubungan dengan perkara-perkara di dalam bidang Institut;

(b) untuk mentadbirkan Institut itu bagi memastikan bahawa Institut itu diurus dan dikendalikan dengan sempurna;

(c) untuk mengemukakan kepada Lembaga laporan-laporan berkala, termasuk laporan-laporan tahunan mengenai aktiviti-aktiviti Institut;

(d) untuk menyediakan anggaran tahunan bagi hasil dan perbelanjaan Institut untuk pertimbangan Lembaga; dan

(e) untuk menjalankan aktiviti-aktiviti lain sebagaimana ditentukan oleh Lembaga dari semasa ke semasa.

6. Maka hendaklah ditubuhkan suatu Lembaga Institut Perundingan yang akan menjadi Pihak Berkuasa Universiti dalam erti seksyen 12 Perlembagaan.

7. (1) Lembaga hendaklah terdiri daripada—

(a) Naib Canselor yang hendaklah menjadi Pengerusi;

(b) Timbalan-timbalan Naib Canselor;

(c) Dekan-dekan Fakulti; dan

(d) tidak lebih daripada lima orang anggota lain yang boleh dilantik oleh Naib Canselor dari semasa ke semasa.

(2) Pengarah hendaklah bertindak sebagai Setiausaha kepada Lembaga.

(3) Tertakluk kepada subperenggan (4), tempoh jawatan seorang anggota yang dilantik yang bukan anggota *ex-officio* adalah tiga tahun dan yang akan, apabila tempoh jawatannya berakhir layak untuk dilantik semula.

(4) Seseorang anggota yang bukan anggota *ex-officio* boleh meletakkan jawatan daripada menjadi anggota dengan memberi notis secara bertulis kepada Setiausaha Lembaga.

8. Lembaga hendaklah bertanggungjawab untuk menggalakkan, mengawal dan menyelaraskan aktiviti-aktiviti perundingan di kalangan kakitangan profesional Universiti, dan bagi maksud ini Lembaga hendaklah mempunyai kuasa—

Kuasa dan fungsi Lembaga.

- (a) untuk memberikan kawalan, arahan dan garis panduan mengenai penglibatan Universiti dan kakitangan profesionalnya dalam kerja perundingan;
- (b) untuk memberikan nasihat dan cadangan tentang ke-pakaran yang boleh didapati untuk perkhidmatan perundingan Universiti itu;
- (c) untuk meluluskan dan mengawasi projek-projek perundingan;
- (d) untuk menentukan fee dan caj-caj lain bagi kerja perundingan yang dijalankan oleh Institut itu;
- (e) untuk mencadangkan kepada Majlis anggaran tahunan bagi hasil dan perbelanjaan Institut;
- (f) untuk menimbangkan dan meluluskan permohonan-permohonan daripada individu, sama ada dari dalam atau dari luar Universiti, untuk menghabiskan cuti sabatikal atau cuti sedemikian yang lain di Institut;
- (g) untuk mengemukakan kepada Senat laporan tahunan tentang aktiviti-aktiviti Institut; dan
- (h) untuk menjalankan kuasa-kuasa dan fungsi-fungsi lain sebagaimana yang diwakilkan kepada Lembaga oleh Senat.

9. (1) Pengurus Lembaga hendaklah menentukan tarikh, tempat dan agenda mesyuarat Lembaga dan mesyuarat itu hendaklah dipanggil oleh Setiausaha Lembaga:

Mesyuarat Lembaga.

Dengan syarat bahawa Lembaga hendaklah biasanya ber-mesyuarat sekurang-kurangnya sekali dalam setiap semester.

(2) Semasa ketiadaan Naib Canselor di sesuatu mesyuarat atau sebahagian daripada sesuatu mesyuarat Lembaga, mesyuarat itu hendaklah dipengerusikan oleh seorang anggota Lembaga yang diberikuasa bagi maksud itu oleh Naib Canselor.

(3) Kuorum bagi mesyuarat-mesyuarat Lembaga hendaklah satu pertiga daripada anggota-anggotanya.

(4) Naib Canselor boleh menjemput mana-mana orang meng-hadiri mana-mana mesyuarat Lembaga.

10. Minit-minit mesyuarat Lembaga hendaklah diedarkan kepada Pengedaran minit. Senat.

Diperbuat pada 14hb September 1985.  
[KP. S. (PT) 10030/3/Jld. III; PN. (PU<sup>2</sup>) 75E Pt. II.]

TENGKU SALAHUDDIN ABDUL AZIZ SHAH AL-HAJ IBNI  
AL-MARHUM SULTAN HISAMUDDIN ALAM SHAH AL-HAJ,  
Canselor,  
Universiti Pertanian Malaysia